

# 日本漢文學百家集

王焱 編

461



北京燕山出版社



王焱 主編

日本漢文學百家集  
461



北京燕山出版社

第四六一册

熙朝詩薈 卷六十九至卷七十八 友野霞舟編 弘化四年  
.....  
一

熙朝詩薈

六十九七十



熙朝詩薈卷第六十九目錄

伊藤縉 百十首

江村綬 四十一首

清 絢 七十一首

伊藤榮吉 六首

江村兼 十一首

清 勲 五十一首



熙朝詩薈卷六十九

江都 友野瑛 子玉輯

伊藤縉

字君夏號錦里又號鳳陽梅莊治平安人龍洲  
長子幼學於家庭以經藝著聞與伊藤東所齊  
名人呼曰京師兩伊藤雖婦女無不知其名者  
資性慎重不好進名有請謁者一皆謝絕之襲  
父為越前侯文學在職四十餘年雖教祗從江  
戶若福井奉職惟謹不為外交當休暇在京說  
經授徒足不踰閩所居壁上書志士不忘在溝

整之語以自警常訓子弟曰為士者不可不念  
此又嘗云終日不省已過便絕聖賢之旨終日  
喜言人過便傷天地之和與二弟北海儋叟聲  
價高於一時錦里以經藝聞北海以歌詩儋叟  
以文章博士佩蘭清公稱為伊藤氏三珠樹安  
永元年卒年六十三私謚文恪著有邀翠館集  
尋海草尋山草

錦天山房詩話錦里葦彩不及二弟然亦自典  
雅

詠懷

南山有黃鸝將雛恆苦思一步一回顧飲啄每相隨一  
朝飛北溟形影遠相離渺茫雲海路棲息未有涯羽翮  
摧將墜哀吐一何悲借問何所求嗷喋常苦飢安知舊  
巢處得不覆且危群鴉鳴無謂啞々集昏時

卽事

環堵塵埃中四壁東風至憑欄偶聞襟簷鳥動詩思園  
柳生暖靄庭蕪還新翠節物看如此幽憂依舊萃

屋漏

貧居修補廢屋瓦墜驚風月出方皎々碎暉入隙通無  
素愁霖夕屋漏響涼々衾裯愁點滴桶盂承每霰兒女

相蔡紆測身寄車中遲晴命僕夫升屋代葺工古箔與  
敗席拮据蓋三重共笑能矇似蒙葺覆枯蓬以此度朝  
夕讀書自從容

漫興

富人多鄙儉自智動鼻根貧人多猜忌自誤在言前西  
者皆可惡何足為才賢人生羈寓內遭逢是自然富而  
如可求孔聖願執鞭貧而如可耻原賢又孰傳貧富無  
賢愚賢愚本不然吾觀今古事二物自變遷

郊行二首

偶出都門去山河轉藹蒼餘寒春半過乍霽日初長草

競新上色梅留欲落香言  
携苑外酒更復醉池塘  
幽尋情未已前路向斜曛  
擲石臨春瀨倚岩送夕雲  
溪翁燒白竹薪女競紅裾  
莫是桃源境便堪避世氣

將赴東都

花後終無雨綠陰入夕晴  
旅遊隨日逼客意在家生  
閒篋燒書札檢方錄藥名  
關東還往慣不復弄行程

九月十三夜對月

西京羈旅臣徒倚御溝濱  
歲月增吾老乾坤贖此身  
氛銷孤掛魂望近稍成輪  
勿怪詩長癡中宵恐愴神

美人調馬

據鞍聊顧眄，俊艷似相誇。  
日照游龍起，風生匹練斜。  
翠眉整柳色，朱汗濺桃花。  
忽訝登仙去，場頭錦幘遮。

宿山驛

萬嶺斜陽盡，孤村暮靄收。  
疎燈迎旅客，薄貝引鄉愁。  
積翠當窓黯，喧泉近枕流。  
孤踪都不定，天地一浮漚。

雨夜感懷

澤國長陰合，蕭蕭木葉零。  
鬢秋教葉白，眼冷一燈青。  
久客金難續，多情酒易醒。  
嗚嗚天外度，愁坐不堪聽。

魚上龍門

龍門春水漲，魚隊此相追。  
浪動翻金背，花浮映綠鬐。  
駢

頭寧獨後點額亦何辭莫道雲津阻飛騰不可知

江州道中

地形吾頗熟杜叢往來中水洄沙卒岸山遙樹受風旅  
懷無遠近蹤跡信西東江上多芳杜心期誰共同

薩壇山

九折盤林杪回看遠近晴河流滄海白嶽雪接天明斷  
壁潮爭濺懸崖樹倒生登臨思不已况復幾年情

春夜涼集

日落餘霞散春泉連砌流花迎香騎入月助玉人遊綺  
席傾金榼明燈照畫樓平原何足羨醉舞不知愁

途中值雨

冥冥朱夏雨，騎馬轉悽然。只尺江湖道，迷濛水木烟。雄  
心盡宿昔，病骨感流年。鷗鷺徧沾濕，回飛滿野田。

峽中

登々山更合，積翠映征衣。獨鳥驚人起，孤雲觸馬飛。溪  
回泉脉亂，地瘦麥芒微。絕嶺樵歌響，不知何路歸。

春郊

身後名何用，春遊勿失時。生涯貧不改，心事繫先知。野  
徑花相引，村園柳幾垂。明朝儻值雨，此興亦難期。

蟬聲集古寺

塔廟前朝寺山蟬此地吟高低  
隨積翠漸縹逐清陰飲  
露生常足因風響欲沈  
祗應慈翠裡不入伯喈吟

秋日偶作

天際秋雲薄軒窓雨後涼  
柳衰烟易散菊綻露初香  
懶覺詩為崇言從老更狂  
尚餘潘岳興鬢髮轉蒼々

中秋卧病對月書懷

微涼宮樹靜雲影白鱗々  
儻拭瑤臺鏡堪探貝闕珍烟  
沙芝下淡露葉影還新  
感念山中桂更應招隱淪

歲暮晨起

勿道吾虛陋餘閑眼自開  
雪殘山氣近日出市聲催舊

友隨年盡新愁入髮未踈慵與衰疾無意問寒梅

九月十三夜值雨同諸子

黠淡樽前色慙秋坐夕陰梧桐微雨滴蘿薜一燈深意  
氣偏交態風塵自古心高歌須盡醉世上幾知音

十二月十七日雪用兒訓韻

天地窮陰集回風節白沙帽簷做頃玉傘柄片時花貝  
闕意初爽瓊林夢自賒平安十萬戶都是賣珠家

春風扇微和

帝里年光早惠風草際歸分晴浮瑞色拂曙發春暉綺  
陌紅塵暖金爐紫焰微催花度殿閣纖柳入宮闈淡蕩